

Transkription von Urkunde BLN 1381c

Ort, Datierung: Berlin, 1381-11-25

Signatur: Domstiftsarchiv Brandenburg, U245

Inhalt: Rat der Stadt Berlin: Rentenbrief

Wi Ratmanne Alden . vnd nygen der stad alden Berlin Bekennen vor vns vnde vnse nako/melinge vnd vor allen luden dy dessen openen Briff syn odir horen lesen dat wi endrech/tigleken met Rade vnd fûlbort vnser werken . . vnd gancer gemeynheyt , Redeleken hebben / vorkofft vnde vorkôpen ok met Crafft desses Gegenwerdigen bryues deme erleken ma(n)ne / her(re)n nicolas . plôniz^e vnde sinem frunde Arnolde Cosseman tû orer twier liuen Twe schok / Bemesscher grosschen Jerleker plicht . Alle iar . vp sunte mertins dagh . vp vnseme Rathûse / tu Berlin tu betalende vnuortogeliken sunder allerley hulpperede . vor achteyn schok ok / bemesscher grosschen dy sy vns an Reden gelde betalet hebbe(n) . vnd wi in vnser stad Berlin nût / gebracht hebben . vnde dy twe schok scolē . vallen van eynem vp den andere(n) ok vp den dy / vndir den beyden lenghest lêuet vnde nach orer twyer dode scole . wi . vnd vnse nakomelinge / der twier schok ledig vnde los sîn Thu tuge . vnd Bekentnisse . hebbe wi . vnser stad Jngesegele an dessen Briff laten henghen dy ge geue(n) is nach (cristi) gebort dusent vnde driehundert / Jar Jn dem eyn . vnd achtentigste(n) jare An sunte katherine(n) dage der heilige(n) Juncfrouw(e)n /